



Broj: 01/1-02-1975/14
Ilijaš, 25. 09. 2014. godine

Z A P I S N I K

sa 22. (dvadesetdruge) sjednice Općinskog vijeća Ilijaš održane dana 25.09.2014. godine, sa početkom u 10h.

Dvadesetdrugom sjednicom OV-a Ilijaš je predsjedavao predsjedavajući OV-a g-din Damir Filipović.

Prisutni vijećnici:

RB.	IME I PREZIME
SDA	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	AMAR DOVADŽIJA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
SBB	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
SAMOSTALNI VIJEĆNICI	
18	EDHEM HASANOVIĆ
19	ASIM MUJIĆ
20	NIHAD BUČUK
21	ENES DIZDAREVIĆ
STRANKA ZA SREDNJE	
22	-
23	AIDA MALIŠEVIĆ

	LDS
24	NIJAZ RASTODER
	BPS
25	MUHAMED HANDŽIĆ

Odsutni vijećnik:

1. Besim Gljiva

Prisutni gosti:

1. Nermina Durić-Kahvedžić - Radio Ilijaš
2. RTV Vogošća
3. Mirsad Hamzić – predsjednik Savjeta MZ Malešići
4. Meho Tabaković – predsjednik Savjeta MZ Ljubina
5. Elmin Brkić – predsjednik Savjeta MZ Luka

Ostali prisutni:

1. Akif Fazlić – općinski načelnik
2. Meliha Avdibegović – pomoćnik načelnika
3. Sadeta Brkić – pomoćnik načelnika
4. Alma Imamović – pomoćnik načelnika
5. Zdravko Barić – pomoćnik načelnika
6. Nijaz Spahić – pomoćnik načelnika
7. Merima Osmanović – pomoćnik načelnika
8. Sanja Zagorac-Jozić – pomoćnik načelnika
9. Ilda Kahriman – sekretar OV-a
10. Adha Masnopita – stručni saradnik u Službi za društvene djelatnosti
11. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Zatim je dao na razmatranje zapisnik sa 21.sjednice OV-a.

Primjedbi na zapisnik nije bilo, pa je OV-e jednoglasno usvojilo zapisnik sa 21. sjednice OV-a.

Pročitao je predloženi dnevni red, konstatovao da je predlagač povukao rješenje u tački 12. pod h).

Zatim se za riječ javila vijećnika Aida Mališević i predložila da se u tački 7. rješenje pod b) povuče se dnevnog reda.

Adem Efendić – što se tiče povlačenja tačke pod 7.b) mislim da bi to trebala uraditi Komisija za izbor i imenovanja, jer je ona predlagač.

Mahir Dević – trenutno predsjednik Komisije za izbor i imenovanja Nedim Matoruga nije tu, ali članovi te komisije su predstavnici političkih subjekata i ne vidim razloga da ne izađemo u susret kolegici, jer to mjesto pripada Stranci za Srednje.

Alan Šerak – zamjenik predsjednika Komisije za izbor i imenovanja – po meni ovdje nema ništa sporno, a ako treba može se Komisija za izbor i imenovanja sada odmah sastati.

Ono što mene interesuje, kada je u pitanju dnevni red, jeste zašto na dnevnom redu nije Odluka i Pravilnik o dodjeli priznanja općine Ilijaš ?

Predsjedavajući Damir Filipović – na Kolegiju OV-a su bile predložene ove tačke, ali Kolegij je odlučio da se povuče kako bi se svi usaglasili (vjerovatno će se politički subjekti izjašnjavati). Znači, da bi izbjegli nesuglasice na samoj sjednici, tako je Kolegij OV-a odlučio.

Zatim je dao na glasanje prijedlog izmjene u tački 7.
OV-e je jednoglasno usvojilo navedeni prijedlog.

Obzirom da više nije bilo prijedloga za izmjene dnevnog reda, OV-e je jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 21. sjednice
3. Prijedlog Odluke o dodjeli stanova na korišćenje
4. Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2014/2015.godini
5. Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2014/2015.godini
6. Izvještaj o izvršenju Budžeta općine Ilijaš za period 01.01.-30.06.2014.godine
7. Prijedlog Rješenja o:
 - a) o razrješenju člana Komisije za mlade i obrazovanje
 - c) o razrješenju člana Drugostepene stručne komisije
 - d) o izboru člana Drugostepene stručne komisije
 - e) o razrješenju člana, a time i zamjenika predsjednika Komisije za zdravstvo, informisanje, socijalna i vjerska pitanja
 - f) o izboru člana, a time i zamjenika predsjednika Komisije za zdravstvo, informisanje, socijalna i vjerska pitanja
8. Prijedlog Odluke o neposrednoj pogodbi za dodjelu neizgrađenog građevinskog zemljišta (k.č.br.6/2)
9. Prijedlog Odluke o načinu i uslovima prodaje neizgrađenog gradskog građevinskog zemljišta (k.č.br.228/90)
10. Prijedlog Odluke o načinu i uslovima prodaje neizgrađenog gradskog građevinskog zemljišta (k.č.br.228/95)
11. Prijedlog Odluke o načinu i uslovima prodaje neizgrađenog gradskog građevinskog zemljišta (k.č.br.257/59)
12. Prijedlog Rješenja iz imovinsko-pravne oblasti:
 - a) rješenje broj:06/1-31-2187/14/EH
 - b) rješenje broj:06/1-31-2188/14
 - c) rješenje broj:06/1-31-2848/14
 - d) rješenje broj:06/1-31-2373/14
 - e) rješenje broj:06/1-31-2502/14
 - f) rješenje broj:06/1-31-2527/14
 - g) rješenje broj:06/1-31-2917/14

AD-1
Vijećnička pitanja i inicijative

SEAD ŠEHIĆ – vijećnik SBB BiH – Ilijaš

Inicijativa:

1. Pokrećem inicijativu da se udruženju oboljelim od dijabetesa iznađe mogućnost i dodjela prostorije za rad.

Obrazloženje: Na osnovu informacije, isto udruženje okuplja veliki broj oboljelih od dijabetesa, a u Ilijašu ne postoji savjetovalište za oboljele od dijabetesa i smatram da bi istima prostorije olakšale rad.

SELMA PUŠINA – vijećnik SDA

Inicijativa:

1. Inicijativu upućujem Kantonalnoj Direkciji za ceste, a odnosi se na postavljanje usporivača saobraćaja u ulici 126. Ilijaške brigade od Gradske džamije do zanatskog centra na Banovcu.

Obrazloženje: Na pomenutoj lokaciji nalaze se pješački prelazi, kako za Srednjoškolski centar "Nedžad Ibrišimović" tako i za Osnovu školu "Hašim Spahić". Razlog pokretanja ove inicijative je da postoje nesavjesni vozači koji razvijaju veliku brzinu sa svojim vozilima, a rezultat takve vožnje je da su se u zadnjih 15 dana desile tri saobraćajne nesreće, na sreću, bez velikih posljedica za ljude, ali sa velikom materijalnom štetom.

MUHAMED HANDŽIĆ – vijećnik BPS-Sefer Halilović

Inicijativa:

1. Pokrećem inicijativu da nadležna općinska služba HITNO pokrene postupak otvaranja javne kuhinje u Ilijašu.

Obrazloženje: Svakodnevno smo svjedoci kako starije osobe, a često i oni mlađi po ilijaškim ulicama prebiraju po kontejnerima tražeći ostatke hrane, te kako je prosjačenje u ovom gradu najzastupljenije u Kantonu Sarajevo, a informacije koje govore da oko 200 naših sugrađana svakodnevno putuje do Sarajeva po hranu iz javnih kuhinja neophodno je HITNO OTVARANJE JAVNE KUHINJE.

MARIONETA ILIĆ-JURETA – vijećnica SDP-a

Inicijative:

1. Pokrećem inicijativu da ambulanta u Kamenici radi dva dana u sedmici (utorak i četvrtak) kao i prije.
2. Pokrećem inicijativu da u Srednjem srijeda bude prva smjena u ambulanti, a ako je potrebno i druga (srijedom je ista zaključana).
3. Pokrećem inicijativu da ambulanta u Gajevima radi dva dana u sedmici (ponedjeljak i srijeda).
4. Pokrećem inicijativu da se rezimiraju sve inicijative i pitanja i konkretno napiše šta se uradilo za gornje područje općine Ilijaš, tj. Ljubinu, Srednje, Gajeve, Crnu Rijeku i ostala mjesta i šta će se konkretno uraditi do kraja godine? Bilo je pitanja i inicijativa vezano za prevoz, rasvjetu, popravku puta, opremanje prostorija MZ Ljubina i sl.

AIDA MALIŠEVIĆ – vijećnica Stranke za srednje

Pitanja:

1. Postavljam pitanje nadležnoj općinskoj službi: “Kada će biti sanirano klizište koje ugrožava kuću porodice Sinan u Srednjem”?
Molila bih, ukoliko ste u mogućnosti, da mi odgovorite na ovoj sjednici.
2. Ponovo postavljam pitanje: “Kada će mještani gornjeg kraja (Srednje i okolna sela) moći ovjeravati zdravstvene knjižice u Srednjem”? To je postalo gorući problem, jer ljudi za ovjeru knjižica moraju ići u Ilijaš. Sada nisu problem ni kompjuteri ni Internet, tako da se može organizovati jedan dan u sedmici ovjera zdravstvenih knjižica u Srednjem. Molim da se ovo shvati ozbiljno i riješi problem u što kraćem vremenskom periodu.
3. Ponovo postavljam pitanja direktoru JKP “Vodostan” Ilijaš do kada treba čekati da se popravi asfalt koji je uništen prilikom izvođenja radova ispred ambulante Srednje ? Molim da se asfalt postavi što je moguće prije, jer je na pragu zima.
4. Pokrećem inicijativu za obilježavanje naseljenih mjesta i putokaza na raskrsnicama koje vode do udaljenih sela na području cijele opštine, a naročito gornjeg kraja. Obzirom da u skorije vrijeme počinje sa radom punkt Hitne pomoći Ilijaš, bez obilježavanja naseljenih mjesta, sela i postavljanja putokaza, ekipe hitne pomoći neće moći pravovremeno stizati na adresu.

SELVER HERIĆ – vijećnik SDP-a

Pitanja:

1. Kada će biti gruntovno riješeno pitanje zemljišta na gornjem području općine Ilijaš ?
2. Kada će biti izvršena sanacija (sječa) privatnih šuma (smrča) koja se suši, jer istim nije dozvoljena zbog zemljišta koje nije 1/1 vlasništvo ?
Ovo pitanje uputiti Kantonalnoj upravi za šumarstvo, Ministarstvu privrede Kantona Sarajevo i JP “Sarajevo-šume”.
3. Kada će se izvršiti krpljenje uništenog asfalta kod pošte u Srednjem od strane Pošta BiH ?

ADEM EFENDIĆ – vijećnik SBB BiH ILIJAŠ

Pitanje:

1. Tražim od nadležne Direkcije za ceste Kantona Sarajevo da odgovori na pitanje da li JKP “Vodostan” Ilijaš ima rješenje (odobrenje ili suglasnost) na organizovanje pijace na dijelu puta Alića rampa-Mrakovo ?

Obrazloženje: Naime, na ovoj dionici se svake subote organizuje pijaca-buljak, te na pomenutoj dionici dolazi do ometanja redovnog frekventnog saobraćaja, te samim tim dolazi do ugrožavanja bezbjednosti svih učesnika u saobraćaju.

ALAN ŠERAK – vijećnik SDP-a

Pitanja:

1. Ko je odobrio postavljanje trafike “Duhanpromet” kod džamije u Ilijašu između dvije škole?

2. Ko je dozvolio da se vrši plakatiranje u staklene panoe na šetalištu u centru Ilijaša?
3. Koliko je općina Ilijaš izdvojila sredstava za potrebe OŠ "Stari Ilijaš" u 2014. godini?
4. U kojoj fazi je izgradnja mosta koja treba da poveže dvije industrijske zone?
5. Kada će biti postavljene rešetke u Malešićima na odvodnim kanalima ispred i poslije podvožnjaka kod Doma MZ-e Malešići?
Napomena: Ovdje je najfrekventnije područje, te građani i djeca koja prolaze imaju opasnost od ovih kanala koji su dubine 50 cm.
6. Koliko vremena treba da prođe da se izvrši sanacija puta u Gornjim Malešićima? Nakon dva mjeseca, ovaj put je u opasnosti i niko ništa ne poduzima. Građani su se obraćali i u MZ-i Malešići gdje i oni ne znaju, a da stvar bude i gora, ovaj put nije ni obilježen, a kamoli saniran, te mole da se ovaj put što prije riješi kako bi građani imali bezbjednu komunikaciju i saobraćaj.

Inicijativa:

1. Pokrećem inicijativu da se odvodi i kanali na području Malešića očiste i odveze otpad sa njih i parcela koje su u ovom pojasu. Napomena je da je u kišnim padavinama firma d.o.o. "Halilović" čistila kanal i sve je ostalo na parceli u blizini doma u Malešićima, a takođe u kišnim danima ovaj propust poplavi i nije u funkciji. Da ne bi došlo do tih događaja, potrebno je da se kanali očiste i odvedu do rijeke Bosne na ovom području.
2. U budućnosti se treba posvetiti OŠ "Hašim Spahić" Ilijaš i trebamo biti svjesni da ćemo to raditi vlastitim sredstvima. Predlažem općinskom načelniku da u budžetu za iduću godinu planira sredstva za saniranje mokrih čvorova u ovoj školi (kao prva faza).

NIJAZ RASTODER – vijećnik LDS-a

Imam stalnu inicijativu prema kolegi Nihadu Bučuku, ali je neću sada ponavljati.

Inicijative:

1. Ovdje su prisutni predstavnici političkih stranaka koje ovih dana vode predizbornu kampanje, te im upućujem inicijativu da nauče od Liberala kako se u mjesecu predizborne kampanje vodi kampanja, da ne prozivaju pojedine političke stranke na skupovima, a posebno da ne prozivaju Liberale.
2. Pokrećem inicijativu prema nadležnoj firmi da hitno pristupi pročišćavanju kanalizacionih slivnika u gradu.
3. Pokrećem inicijativu prema općinskom načelniku, jer se čudno ponaša prema predsjedniku Savjeta MZ Ilijaš Grad. Naime, ovaj čovjek svaki put se treba pismeno obratiti da bi ga načelnik primio. Zamolio bih načelnika da odredi termin kada može primiti ovog predsjednika savjeta mjesne zajednice.

AKIF BEŠLIJA – vijećnik SBB BiH ILIJAŠ

Pitanje:

1. Postavljam pitanje načelniku i nadležnoj općinskoj službi, a vezano za ljetno održavanje puteva na cijeloj općini Ilijaš, a pogotovo na MZ Ljubina i to Ljubina-Solakovići i Ljubina-Garaže.

Obrazloženje: Obzirom da su putevi obrasli velikim rastinjem (treve i drveće), te da nema

dovoljno pregleda prilikom odvijanja saobraćaja, te dolazi do, srećom, manjih udesa, potrebno je pokositi travu i drugo rastinje i staviti putne komunikacije u sigurnu prohodnost.

AKIF FAZLIĆ – općinski načelnik

Kada je u pitanju klizište u Srednjem koje je postavila vijećnica Aida Mališević, ono je jedno od trenutno najaktuelnijih problema koje trenutno imamo. Služba CZ i ja, kao načelnik, se intenzivno bavimo ovim problemom, ali nismo daleko otišli kada je u pitanju njegovo rješavanje. Zadnja informacija koju imamo iz Zavoda za izgradnju Kantona Sarajevo jeste da su urađeni elaborati, a zatim slijedi postupak javne nabavke da se izaberu izvodjači radova (ovdje govorim o klizištima u D.Čevljanovićima i Srednjem).

Drugo pitanje, dva putna pravca: put u Solakovcima i put za Gornje Malešiće gdje su klizišta ili odroni ugrozili putnu komunikaciju, od Zavoda smo dobili upute kako izvršiti sanaciju. Na bazi tih uputa ćemo uraditi predmjere i vrlo brzo krenuti u sanaciju ova dva putna pravca.

Pitanje mosta koji povezuje dvije industrijske zone, je, s aspekta izvođenja radova, trebao biti u junu završen, imali smo problema kada je u pitanju izvodjač radova i vremenske prilike. Naravno da će mo kašnjenja uračunati shodno ugovoru, ali na neki način sve je izdefinisano i taj projekat će se vrlo brzo privesti kraju.

Kada je u pitanju ljetno održavanje puteva, svi znamo da nemamo pravi sistem ljetnog održavanja, prije svega iz finansijskih razloga. Potreba za tim ima i u narednom periodu kroz prijedlog budžeta za 2015.godinu na ovu temu možemo ozbiljnije razgovarati.

AD-2

Izveštaj o realizaciji zaključaka sa 21. sjednice

Diskutanata po ovoj tački dnevnog reda nije bilo, pa je OV-e jednoglasno usvojilo

Izveštaj o realizaciji zaključaka sa 21. sjednice

AD-3

Prijedlog Odluke o dodjeli stanova na korišćenje

Predsjedavajući OV-a – Damir Filipović

Komisija za statut i propise je razmatrala navedeni prijedlog Odluke i nije imala primjedbi na pravni osnov i pravno-tehničku usklađenost iste, ali je za istu dala slijedeće primjedbe:

- u naslovima članova izbrisati tačke i dvotačke
- član 20. treba da glasi:"Po osnovu dužine prebivališta na području općine Ilijaš podnosiocu prijave priznaje se po 1 (jedan) bod za svaku godinu prebivališta na području općine, a što se dokazuje uvjerenjem o kretanju izdatog od strane nadležnog organa, a što je predlagač i prihvatio.

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o dodjeli stanova na korišćenje

AD-4

Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2014/2015.godini

Diskutanata po ovoj tački dnevnog reda nije bilo, pa je OV-e jednoglasno donijelo

Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2014/2015.godini

AD-5

Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2014/2015.godini

Diskutanata po ovoj tački dnevnog reda nije bilo, pa je OV-e jednoglasno donijelo

Plan stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2014/2015.godini

AD-6

Izvještaj o izvršenju Budžeta općine Ilijaš za period 01.01.-30.06.2014.godine

MUHAMED HANDŽIĆ – vijećnik BPS-Sefer Halilović

Nadam se da ove moje komentare nećete shvatiti kao politiziranje, ali ja u ovom izvršenju budžeta primjetim na nekoliko mjesta BZK Preporod i čini mi se da su oni prefinansirani, da se u njih puno ulaže, da puno idu "vani" u ovo vrijeme recesije, u vrijeme kada smo usvojili mjere štednje. Dakle, molim vas da se u raspodjeli sredstava povede računa o njihovim odlascima u Tursku, Njemačku itd.

ALAN ŠERAK – vijećnik SDP-a

Kada je u pitanju ovo polugodišnje izvršenje budžeta može se reći da ide u zadovoljavajućem tokom. Međutim, treba obratiti pažnju na realizaciju pojedinih projekata koji se nalaze u budžetu. Sada je već izvjesno da od određenih projekata neće biti ništa, a mislim na projekte na kojima je insistirao SDP-e, u smislu pravljenja određenih stvari, prije svega za djecu ove općine. Međutim, općinski načelnik smatra da je prioritet da Preporod ide u posjetu nekom džematu u Njemačkoj, nego da djeci napravimo dječije igralište koje je potrebno. Ovo od nas traže građani Ilijaša. Ako to nećemo raditi, recite nam javno i ako želimo graditi odnose kao ove do sada recite nam na vrijeme, pa će izostati naša podrška prilikom donošenja budžeta i ostalih stvari, nećemo insistirati na bilo čemu što se tiče budžeta, ali isto tako vas nećemo podržavati. Još jednom ponavljam da građani MZ Ilijaš Grad zahtjevaju od izvršnog organa općine Ilijaš da se napravi dječije igralište sa svim rekvizitima i to je po meni preče, nego da Preporod ide u posjetu džematu u Njemačkoj.

NIJAZ RASTODER – vijećnik LDS-a

Tražim da ubuduće, osim ratnih udruženja, sva druga udruženja izvještavaju Vijeće o svom radu. Znači, da imamo u pisanoj formi nakon šest mjeseci ili godinu dana da imamo izvještaj da vidimo šta su radili.

Dalje, imam primjedbu na ekonomski kod 614323 – tekući transfer za parlamentarne grupe u Općinskom vijeću, jer ovo treba razdvojiti, pa da imamo za parlamentarne grupe i samostalne vijećnike. Zna se šta je parlamentarna grupa. Samostalnim vijećnicima se treba odrediti kod da se izdvoje iz parlamentarnih grupa, a parlamentarne grupe su dobiju na izborima.

AKIF FAZLIĆ – općinski načelnik

Ovo je budžet općine Ilijaš i sve stavke u budžetu su stavke općine Ilijaš, nisu ni SDP-eve, ni SDA-ove i ovo dječije igralište je igralište djece ovog grada. Razumijem možda dijelom motiv, ali osnov i argumentaciju ne mogu pronaći da je nečiji projekat stranački. Mi smo usvojili ovaj budžet i ovo je budžet općine Ilijaš. Prema tome, očekujem da korektno komentiramo njegovo izvršenje.

Ovdje je bilo najviše diskusije za finansiranje BZK Preporod, i želim kazati da ćemo u devetomjesečnoj informaciji dati analitički utrošak sredstava, a preko Preporoda finansiramo i promociju knjiga, izdavanje knjiga i sufinansiranje nabavke muzičkih instrumenata za djecu koja idu u muzičku školu.

Naravno da uštede i odgovornost za trošenja sredstava treba da budu na svima, pa naravno i na Preporodu.

Diskutanata po ovoj tački dnevnog reda više nije bilo, pa je OV-e jednoglasno usvojilo

Izveštaj o izvršenju Budžeta općine Ilijaš za period 01.01.-30.06.2014.godine

AD-7 Prijedlog Rješenja o:

- a) o razrješenju člana Komisije za mlade i obrazovanje
- c) o razrješenju člana Drugostepene stručne komisije
- d) o izboru člana Drugostepene stručne komisije
- e) o razrješenju člana, a time i zamjenika predsjednika Komisije za zdravstvo, informisanje, socijalna i vjerska pitanja
- f) o izboru člana, a time i zamjenika predsjednika Komisije za zdravstvo, informisanje, socijalna i vjerska pitanja

ALAN ŠERAK – zamjenik predsjednika Komisije za izbor i imenovanja

Zahtjev Stranke demokratske akcije je da se razriješi član Drugostepene stručne komisije Edin Osmanović, a da se imenuje Fahrudin Dervišević, zatim da se razriješi član, a time i zamjenik predsjednika Komisije za zdravstvo, informisanje, socijalna i vjerska pitanja Salihović Selma, a da se imenuje Omerović Alma.

Takođe, zahtjev Stranke za Srednje je da se razriješi član Komisije za mlade i obrazovanje Asima Bibić, a rješenje o imenovanju će biti na slijedećoj sjednici.

PREDSJEDAVAJUĆI – Damir Filipović

Dao je na glasanje rješenje kako slijedi:

- a) o razrješenju člana Komisije za mlade i obrazovanje
- OV-e je jednoglasno donijelo

Rješenje o razrješenju člana Komisije za mlade i obrazovanje

- c) o razrješenju člana Drugostepene stručne komisije

OV-e je jednoglasno donijelo

Rješenje o razrješenju člana Drugostepene stručne komisije

d) o izboru člana Drugostepene stručne komisije

OV-e je jednoglasno donijelo

Rješenje o izboru člana Drugostepene stručne komisije

e) o razrješenju člana, a time i zamjenika predsjednika Komisije za zdravstvo, informisanje, socijalna i vjerska pitanja

OV-e je jednoglasno donijelo

Rješenje o razrješenju člana, a time i zamjenika predsjednika Komisije za zdravstvo, informisanje, socijalna i vjerska pitanja

f) o izboru člana, a time i zamjenika predsjednika Komisije za zdravstvo, informisanje, socijalna i vjerska pitanja

OV-e je jednoglasno donijelo

Rješenje o izboru člana, a time i zamjenika predsjednika Komisije za zdravstvo, informisanje, socijalna i vjerska pitanja

Uslijedila je pauza od 11:10h-11:20h

AD-8

Prijedlog Odluke o neposrednoj pogodbi za dodjelu neizgrađenog građevinskog zemljišta (k.č.br.6/2)

SADETA BRKIĆ – pomoćnica načelnika za imovinsko-pravne poslove, geodetske poslove i katastar

U pitanju je gradnja vjerskog objekta i dodjela parcele u površini od 666m² uz uslov plaćanja određene naknade procijenjene od strane ovlaštenog vještaka i komisije za procjenu predložene 8 KM po 1m².

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o neposrednoj pogodbi za dodjelu neizgrađenog građevinskog zemljišta (k.č.br.6/2)

AD-9

Prijedlog Odluke o načinu i uslovima prodaje neizgrađenog gradskog građevinskog zemljišta (k.č.br.228/90)

Predsjedavajući je naglasio da ovdje imamo tehničku grešku pa umjesto k.č.br. 228/90 treba da stoji k.č.br.228/91.

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog gradskog građevinskog zemljišta
(k.č.br.228/91)

AD-10

Prijedlog Odluke o načinu i uslovima prodaje neizgrađenog gradskog građevinskog
zemljišta (k.č.br.228/95)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog gradskog građevinskog zemljišta
(k.č.br.228/95)

AD-11

Prijedlog Odluke o načinu i uslovima prodaje neizgrađenog gradskog građevinskog
zemljišta (k.č.br.257/59)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog gradskog građevinskog zemljišta
(k.č.br.257/59)

AD-12

Prijedlog Rješenja iz imovinsko-pravne oblasti:

- a) rješenje broj:06/1-31-2187/14/EH
- b) rješenje broj:06/1-31-2188/14
- c) rješenje broj:06/1-31-2848/14
- d) rješenje broj:06/1-31-2373/14
- e) rješenje broj:06/1-31-2502/14
- f) rješenje broj:06/1-31-2527/14
- g) rješenje broj:06/1-31-2917/14

AKIF FAZLIĆ – općinski načelnik

Zamolio je OV-e da donese zaključak da se rješenje pod tačkom h) broj:06/31-531/14 vrati u dnevni red, obzirom da je u međuvremenu stiglo pozitivno mišljenje Pravobranilaštva Kantona Sarajevo.

OV-e je sa 1 uzdržanim glasom donijelo zaključak da se ovo rješenje pod h) uvrsti u dnevni red.

MUAMER DERVIŠEVIĆ – vijećnik SDA

Nejasno mi je rješenje pod c), pa ako može da se obrazloži, a znam da je vodozahvat već urađen.

NIJAZ RASTODER – vijećnik LDS-a

Rješenje broj:06/31-531/14. U prošlom mandatu sam tri puta pokretao inicijativu da se izvrši razgraničenje između državne, tadašnje vojne i privatne imovine. Nikada do danas nisam dobio odgovor izuzev i ako me neko ne uvjeri da je sve ovo uredu, ja neću glasati. Stvarno me interesuje da li je ovo sve uredu. Nisam pročitao uopšte o kome se radi, ali da

vidimo ima li ovdje mahinacija ?

SADETA BRKIĆ - pomoćnica načelnika za imovinsko-pravne poslove, geodetske poslove i katastar

U pogledu rješenja vezano za vodozahvat na rijeci Misoči, u pitanju je potpuna eksproprijacija i uređenje tog navedenog obuhvata. U pitanju je privatno zemljište koje je potrebno eksproprijisati kao takvo, izdvojiti i urediti objekat vodozahvata i vodozaštitne zone u smislu pristupnog puta.

Kada je u pitanju rješenje pod h) za koje smo zatražili ponovno vraćanje u dnevni red, ja se zahvaljujem i kada je u pitanju razgraničenje, izvršeno je razgraničenje, pribavljeni su prijavni listovi koji su naznačili liniju eksproprijacije za raniju prugu koja je rađena za objekat kasarne, urađeno je i sve definitivno razgraničeno i doneseno rješenje i kao takvo dato na provedbu. Znači, zemljište koje tangira ovaj objekat, tretira samo zemljište koje je predloženo.

AKIF FAZLIĆ – općinski načelnik

Da ne bi bilo dilema kada je u pitanju javni interes vezano za vodozahvat, želim reći da Odluka koju je donijela Federalna vlada tačno definiše područje vodozahvata i utvrđene su granice. Kako to područje koje je definisano tom odlukom takvog karaktera da se ne može napraviti pristupni put, on je napravljen izvan obuhvata koje je definisala odluka, znači geografski kako je moguće i zbog toga je ovaj put izvan zone koju je definisala odluka od vodozaštitnoj zoni.

Kada je u pitanju rješenje o kojem je govorio vijećnik Nijaz Rastoder, to je riješeno da je taj dio prostora uknjižen na općinu Ilijaš i sada općina Ilijaš kao raspolagatelj tom imovinom stavlja je u funkciju.

Diskutanata po ovoj tački dnevnog reda više nije bilo pa je OV-e jednoglasno donijelo

- a) rješenje broj:06/1-31-2187/14/EH
- b) rješenje broj:06/1-31-2188/14
- c) rješenje broj:06/1-31-2848/14
- d) rješenje broj:06/1-31-2373/14
- e) rješenje broj:06/1-31-2502/14
- f) rješenje broj:06/1-31-2527/14
- g) rješenje broj:06/1-31-2917/14
- h) rješenje broj:06/1-31-531/14

Zatim je predsjedavajući Damir Filipović zaključio 22. sjednicu OV-a u 11:40h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ
Damir Filipović, dipl.pravnik

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov_ilijas@bih.net.ba
Broj certifikata:20938

